



Broj: 17-14-34004-12
Sarajevo, 23-10-2018 godine

Na osnovu člana 64. stav (1) tačka b) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), a u skladu sa članom 6. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ broj 5/06 – Prečišćeni tekst) i preporuke Komisije za nabavku roba u postupku javne nabavke za "Nabavku i isporuku računara i računarske opreme" **LOT 1 - Personalni računari (PC)** (Zapisnik o pregledu i ocjeni ponuda broj: 17-14-34004-11 od 19.10.2018. godine), načelnik Stručne službe za zajedničke poslove Kantona Sarajevo, d o n o s i:

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za nabavku roba u postupku javne nabavke za "Nabavku i isporuku računara i računarske opreme" **LOT 1 - Personalni računari (PC)** i dodjeljuje se prvorangiranom ponuđaču **"TELNET" d.o.o. Sarajevo**, prema dostavljenoj ponudi broj: 000318 od 12.10.2018. godine u ukupnoj vrijednosti od **21.645,00 KM** (sa PDV-om).

Član 2.

Prijedlog ugovora dostavit će se na potpis izabranom ponuđaču po isteku roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude. Izabrani ponuđač je dužan dostaviti originalne dokaze ili ovjerene kopije **po članu 45. ZJN** i originalne dokaze ili ovjere kopije po članu **47. ZJN (bilans stanja i bilans uspjeha za 2017. godinu)**, jer je u svojoj ponudi dostavio obične kopije, u roku od 5 (pet) dana nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa protekom žalbenog roka i u skladu sa tenderskom dokumentacijom.

U slučaju da izabrani ponuđač propusti da dostavi originalne dokaze ili ovjerene kopije o kvalificiranosti u navedenom roku ili dostavi neprihvatljive dokaze, smatrat će se da odustaje od ugovora.

Član 3.

Ova odluka objavit će se na web stranici ugovornog organa, <http://jn.ks.gov.ba> istovremeno sa upućivanjem iste ponuđačima koji su učestvovali u postupku javne nabavke.

Obrazloženje



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220

Sarajevo, Reisa Džemaludina Čauševića 1



Postupak javne nabavke pokrenut je Odlukom o pokretanju postupka javne nabavke broj: 17-14-34004 od 03.10.2018. godine – "Nabavka i isporuka računara i računarske opreme" LOT 1 - Personalni računari (PC). Javna nabavka je provedena putem postupka: Konkurentski zahtjev za dostavu ponuda. Procijenjena vrijednost javne nabavke za LOT 1 - Personalni računari (PC) bez PDV-a iznosi 19.900,00 KM. Za predmetnu nabavku objavljeno je dodatno obavještenje o nabavci na portalu javnih nabavki pod brojem:1230-7-1-75-3-54/18 od 03.10.2018. godine.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka sa objavom obavještenja na portalu javnih nabavki, Komisija je dostavila pozive sljedećim ponuđačima: 1. "PRINTEX" d.o.o Sarajevo; 2. "R & S" d.o.o. Sarajevo; 3. "BBS" d.o.o. Sarajevo; 4. GODIMERC d.o.o. Sarajevo; 5. "PLUS BA" d.o.o. Sarajevo. Rok za dostavu ponuda bio je 15.10.2018. godine do 11,00 h. Za navedenu javnu nabavku u uredno zatvorenim kovertama, dostavljene su ponude od sljedećih ponuđača:

| |
|---|
| 1. "NETWORK I" d.o.o. Bijeljina, ul. Potporučnika Smajića 26, 76300 Bijeljina |
| 2. "FRACTAL" d.o.o. Žepče, ul. Prva bb, 72230 Žepče |
| 3. "PRINTEX" d.o.o. Sarajevo, ul. Hasana Sušića 9 i 11, 71000 Sarajevo |
| 4. "TELNET" d.o.o. Sarajevo, ul. Stupska bb, 71000 Sarajevo |

U skladu sa Odlukom o pokretanju postupka, Komisija za nabavku roba formirana Odlukom broj: 17-01-05-31300 od 20.10.2017. godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Konkurentskom zahtjevu za dostavu ponuda. Zapisnik o pregledu i ocjeni ponuda broj: 17-14-34004-11 od 19.10.2018. godine čini sastavni dio ove odluke i u istom je utvrđeno sljedeće:

- da je ukupan broj pristiglih ponuda četiri (4),
- da je blagovremeno zaprimljeno ukupno četiri (4) ponude,
- da nema neblagovremeno zaprimljenih ponuda,
- da ponude ponuđača "NETWORK I" d.o.o. Bijeljina, "PRINTEX" d.o.o. Sarajevo i "TELNET" d.o.o. Sarajevo ispunjavaju formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa.

- da ponuda ponuđača "FRACTAL" d.o.o. Žepče, ne ispunjava uslove propisane od strane ugovornog organa. Navedeni ponuđač je propustio da naljepnicu na jemstveniku na prvoj strani **ovjeri pečatom dobavljača**, a kako je zahtijevano u tenderskoj dokumentaciji (str. 8 TD stavka "2") *Način izrade ponude: ...Pod čvrstim uvezom se podrazumijeva da ponude moraju biti uvezane/ ukoričene u knjigu ili da ponuda bude uvezana u fasciklu sa metalnim mehanizmom ili uvezana spiralnim uvezom i uz to osigurana jamstvenikom čija su oba kraja na prvoj ili posljednjoj strani pričvršćena utisnutim žigom ili naljepnicom ovjerenom pečatom dobavljača, a u svrhu izbjegavanja manipulisanja stranicama ponude. Ukoliko ponuda ne bude čvrsto uvezana i numerisana na gore navedeni način ista će se smatrati neprihvatljivom i bit će odbačena iz daljnjeg postupka nabavke".* Iz navedenog razloga ponuda ponuđača "FRACTAL" d.o.o. Žepče se odbija kao neprihvatljiva.

Uzimajući u obzir da je Komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Tabelarni pregled prispjelih ponuda – rang lista prihvatljivih ponuđača za postupak javne nabavke "Nabavka i isporuka računara i računarske opreme" LOT 1 - Personalni računari (PC) kako slijedi:



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220

Sarajevo, Reisa Džemaludina Čauševića 1



| | |
|---------------------------------|---------------|
| 1. "TELNET" d.o.o. Sarajevo | 100,00 bodova |
| 2. "NETWORK I" d.o.o. Bijeljina | 97,99 bodova |
| 3. "PRINTEX" d.o.o. Sarajevo | 73,18 bodova |

U skladu sa kriterijem "najniža cijena", **ugovor se dodjeljuje prvorangiranom ponuđaču "TELNET" d.o.o. Sarajevo** u ukupnoj vrijednosti nabavke od **21.645,00 KM** (sa PDV-om). Za predmetnu nabavku će se zaključiti ugovor.

Pouka o pravnom lijeku: Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od **5 (pet) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Stručnoj službi za zajedničke poslove Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 500,00 KM, u skladu sa članom 108. stav 1. tačka a) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



Pripremio: Almir Mešić, dipl.iur.
Kontrolisao: Sedin Kozadra, dipl.ecc.

Prilog:

1. - Zapisnik o pregledu i ocjeni ponuda broj: 17-14-34004-11
od 19.10.2018. godine



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220

Sarajevo, Reisa Džemaludina Čauševića 1

